

欽定大清會典事例

欽定大清會典事例卷五百八十

兵部

出征

親征

命將出師

親征○

皇帝親征之禮

命下內閣諏啟行吉日以

聞兵部承

制宣攝內外諸司各隨職供備從征將士部勒禁旅

前後備六軍

頒行軍律令前期三日遣官各一人祇告

天

地

宗廟

社稷

太歲如常儀屆日遣官致祭

道路之神於

天安門外列礮於演武場遣八旗都統或副都統

致祭

司礮之神均如儀鑾儀衛陳

騎駕鹵簿於

午門外前列饒歌大樂。金二。金鈺四。鈸二。鼓二。點
二。笛四。雲璈二。管二。笙二。金口角八。大號小號
各八次。

御仗六。吾仗六。立瓜六。臥瓜六。星六。鉞六。次五色
銷金小旗十。五色銷金龍纛十。次單龍赤扇六。
雙龍黃扇六。五色四季花纛十。次豹尾槍護軍
十人。佩弓矢親軍十人。佩儀刀親軍十人。凡親
軍護軍均乘馬。擎執以旗尉。乘馬如之。

堂子街門外左右。列蒙古畫角十有六。海螺二百。親軍
護軍分掌之。兵部設

御營黃龍大纛於

堂子內門外之南。內大臣侍衛守之。設八旗羽林纛八。火器營纛八。按翼分列於黃龍大纛後。各以本旗參領一人守之。不從征王公暨滿一品官蟒袍補服。從征王以下大臣服征衣佩刀。豫往

堂子街門內。東面祇俟。從征六軍分翼列陣於都門外。司礮官設三礮於軍前。步軍統領勒所部辟除御道。所司以

皇帝行營次舍先發。屆吉時。禮部尚書侍郎詣

乾清門請

駕。

皇帝御征衣佩刀。出宮乘騎。前列九龍華蓋一。武備院卿騎導。領侍衛內大臣侍衛咸服征衣。佩弓矢。乘騎前後翊衛。

午門鳴鐘鼓。

騎駕鹵簿前導。樂陳而不作。

駕至長安橋。軍士吸角吹螺。

駕入

堂子街門。王公以下跪。候過興。隨入。武備院官豫布

皇帝拜褥於

圓殿外甬道正中及

旗幟前鑾儀衛移鹵簿起

堂子至

駕所出都門外。

皇帝降騎角螺止。禮部尚書侍郎恭導由內門中門入就。

圓殿外拜位南嚮立。前引大臣止立門外。後扈大臣隨侍。鴻臚寺官引王公位丹陛上。引衆官位丹墀東西。鳴贊奏跪拜興。

皇帝行三跪九拜禮。王公等隨行禮畢。螺角齊鳴。禮

部尚書侍郎恭導

皇帝出

堂子內門詣

旗幟前望幟行三跪九拜禮不贊王公等隨行禮畢角螺止。

皇帝乘騎導迎樂作奏祐平之章領侍衛內大臣侍衛班領率親軍護軍舉黃龍大幟扈

蹕王公以下咸騎從。

駕出都門至陳兵處司礮三舉礮各旗滿漢將弁士卒咸於馬上屏息俯伏候過整隊隨行。

駕至郊。不從征王以下文武百官咸蟒袍補服跪送。
候過興。皆退。六軍經行之地有司豫修橋梁。平
道路。直省文武大臣出境迎候。三品以下守土
官迎於本界。外藩王公率屬迎於所部。皆蟒袍
補服。紳士耆民結綵於門。設香案跪接。均與
時巡同。

車駕既載途。大軍分隊前驅。旗尉韜鹵簿。領侍衛內
大臣侍衛翼

駕行。庀

駐蹕行營。周視地勢。建

御營於正中。前鋒軍過。

御營前分列東西二營。遠斥候。八旗護軍及驍騎張左右翼。分列十六營。火器營軍礮軍棉甲軍列為四營。外藩軍附左翼列為一營。綠旗軍各自為營。皆環。

御營為嚮。

御營內張帳殿黃幄。周以黃幔為城。南設旌門。列黃龍大纛於門外左右。環城巡警二十有一處。領侍衛內大臣侍衛率親軍周巡宿衛。幔城外設網城。東西南旌為三門。環城設巡警八處。護

軍統領各率其屬及護軍等。森嚴守衛。禁語譁。
稽出入。網城外布幕為重營。東西南北各為一
門。護軍參領侍衛鑾儀衛官及護軍執事人。每
重扈蹕。閣部院寺從征各官列幕於重營之外。
大軍分翼牧馬。前軍牧於路左。留路右以待後
軍牧放。禁毋越次。

駕駐行營。聲礮三。諸軍悉止。從官奏事如常儀。夜漏
初下。嚴更鼓。禁斷行人。內外禁旅。各分番巡警。
五漏交。

御營鳴鐘。前營角聲起。角初嚴。外營蓐食。治軍裝。

再嚴前軍拔營徐進。三嚴左右軍後軍輜重悉發。從征王公百官恭俟於旌門外。辨色聲礮警蹕。

皇帝乘騎出營。胡衛如儀。羣臣隨後騎從。軍行所至。隨時遣使致祭。

名山大川及

風雨之神。各如儀。將及所征之地。遣使齋。敕往諭不庭。

親御軍門。簡閱將士。申嚴紀律。諸軍秉審。謨宸算。分道進發。奏克捷。乃班師。

皇帝親征。既克有罪。乃諏吉凱旋。徧布六軍戒辦。前期一日。遣官致祭。旗纛之神如儀。屆日。

鑾輿先發。諸軍整旅徐旋。有司平治橋梁道路。外藩王公直省文武大臣暨守土官紳士耆老恭迎如初。

駕將至京。內閣宣下諸司。傳告在京王公百官咸蟒袍補服郊迎。至日。鑾儀衛陳

法駕鹵簿。自郊外五里至

堂子門外。

駕至郊。王公百官跪候過興。隨行。

駕入都門。大樂鼓吹前導。至

堂子門內。禮部尚書侍郎恭導。

皇帝降輿。致祭。

堂子如初儀。王公等均隨行禮畢。鑾儀衛移設鹵簿。起
堂子至。

午門外。

皇帝乘輿入東長安門至。

午門。百官跪候過興。王公隨入至內金水橋。候。

駕還宮。皆退。大師凱旋。翼日。遣官祇告。

天

地

宗廟

社稷

太歲並遣官致祭

陵寢及隨征

旗纛

司礮之神乃行飲至之禮燕從征將士於

御苑

皇帝親勞之策勳行賞各有差禮部諏吉疏請

御殿受賀。宣布諸司戒辦。屆日。鑾儀衛陳

法駕鹵簿。樂部和聲署陳樂懸。侍班執事官王公
百官朝服咸集。

皇帝御太和殿。受中外羣臣表賀。如朝賀儀。
頒詔布告天下。分遣京堂四品以上官致祭。

嶽鎮海瀆

前代帝王

先師闕里

御製碑銘勒石太學。以告成功。編次

親征方略。宣付史館。○天命三年。

太祖高皇帝興師伐明。

諭諸貝勒大臣曰。俘獲之人。勿去其衣服。勿淫其婦妾。勿離異其匹偶。拒戰而死者聽之。若歸順者。慎勿輕加誅戮。欽此。乃率貝勒暨統軍衆將。鳴鼓奏樂。謁堂子畢。啟行。○五年。伐明。克瀋陽。進攻遼陽。遼陽官民。城內結綵焚香。備

乘輿。設皋比錦茵。張鼓樂導迎。

太祖高皇帝入城。撫定軍民。秋毫無犯。○天聰三年。

太宗文皇帝親統大軍伐明。謁

堂子啟行。以蒙古喀喇沁部落為嚮導。○六年。

太宗文皇帝親征察哈爾。出撫近門。謁

堂子畢。大軍西發。察哈爾遁走。自布隆圖旋師。○八年
諭我軍征明。宜直抵宣大。蒙古察哈爾國先為我兵所
敗。心膽皆裂。舉國騷然。彼貝勒大臣將衆來歸。我師
往大同。即可收納察哈爾來歸官民。每牛彘下。派出
騎兵二十名。護軍八名。右翼五旗由上榆林出口。左
翼五旗由沙嶺出口。凡隨滿洲旗蒙古貝勒所屬牛
彘甲兵。令各該管甲喇章京率之以行。其蒙古貝勒
各該固山額真率之以行。勿使一二後期。即滿洲蒙
古騎兵。亦勿使一二後期。每甲喇出弓匠二名。每牛

宋出鐵匠一名。鑊五。鑊五。鋏五。斧五。銚二。鑿二。每人帶鑊刀。各備一月糗糧。每牛宋糗一。每二人共槍一。矢五十。每甲喇出雲梯二。各備冬衣一襲。固山額真以下。牛宋章京以上。各量力備雨衣涼帽。凡馬絆及碗勺皆書字號。每兵攜帳房一架。○是年。

太宗文皇帝征明。率貝勒大臣統軍出撫近門。謁堂子。列八纛。陳八牛。吹螺鳴角。祭畢西行。○崇德元年。太宗文皇帝親征朝鮮國。

頒行軍律令。分兵為左右翼。右翼兵由東京大路至渾河列陣。左翼兵至撫順大路列陣。

親祭

堂子旗纛。遂行。至南漢城西駐營。○二年。朝鮮國王服

罪請降。

詔班師。

諭從征親王以下毋得殺降擾民。○康熙三十五年。聖祖仁皇帝親征額魯特噶爾丹。

諭朕統御中外。念切撫綏。惟務休養民生。未嘗違事征討。比年以來。海寓昇平。閭閻樂業。四方固已無事。獨噶爾丹荒裔狡寇。肆逞兇頑。自烏蘭布通敗遁之後。不自悔禍。仍行狂逞。悖天虐衆。違蔑誓言。侵掠我臣

服之喀爾喀竊踞巴顏烏喇之地詭謀叵測逆狀已彰。乘其竄伏近邊自應及時撲勦儻目今不行翦滅恐致異日沿邊防戍益累兵民聲罪迅討事不容已。用是遣發各路大兵分道並進朕特躬莅邊外相機行事以衆擊寡以正誅逆天意人謀無不允協此寇一殄則邊塵蕩滌疆圉輯甯內安外攘實在此舉。一應事宜著察例具奏欽此遵

旨議定

聖駕躬統六軍進發應遣官祇告

天

地

宗廟

社稷致祭

太歲

礮神及

道路之神。

頒行軍律令。出師之日。鑾儀衛陳

騎駕鹵簿於

午門外。兵部陳八旗蒙古畫角十有六。鳴角軍每
旗四人。海螺二百。鳴螺軍每旗二十五人。以次

列於

堂子街門外。設八旗護軍纛八。火器營纛八。於

堂子內門外。護軍烏槍參領十有六人。蟒袍補服持纛。依次而列。

聖駕出午門詣

堂子行禮畢。至內門外致禮於

旗纛之神。御轎乘馬。內大臣侍衛率親軍舉黃龍大纛隨行。由安定門大街出德勝門。至土城關外。八旗官軍分翼列陣。首前鋒。次烏槍護軍。次護軍。次烏槍兵。左右翼各按旗分次第序列。

隨征

皇子王公等。旗幟護衛。各序列於本旗護軍之中。
末旗烏槍兵之下。列滿洲礮兵。次漢軍礮兵。次
漢軍火器兵。

聖駕出郭。三發礮。至陳兵處。八旗官兵各於馬上俯伏
候過。整齊隊伍。以次進發。並肅清道路。嚴禁僕
從馬匹喧雜之聲。○又

諭。朕親統六師前進。法律須極嚴明。師行之日。軍士俱
先於郊次排列。俟朕啟行後。仍復入城。按日逐旗而
出。務必隊伍嚴整。夸蘭達參領等。各率本營行裝。按

隊伍前進。不得分散錯亂。儻馬驚人墮。致失馬匹者。令該夸蘭達章京及護軍校等親往尋獲。中路軍雖行。尚俟西路消息。儻值天雨。即令駐紮。其後隊不必等候傳示。亦行屯駐。凡一應細事。該營之皇子及諸王大臣夸蘭達等。公同結案。事關重大。再行請旨。凡遇敵兵。令我軍攻擊。朕必詳審可攻之處。始令前進。必不以軍士軀命為嘗試。如臨陣遇敵。不能奮勇敗賊。必治以罪。前行之前鋒。儻望見敵兵。必視有水草處駐紮。以俟後隊軍至。可通行。曉諭八旗。○又諭。本朝用兵以來。所向無敵。野戰則勝。攻城則克。惟以

弓矢劍戟為用。自三逆叛後。南方皆稻田。賊人用火
器相持。遇之莫不摧敗。朕以故洞悉。特立火器。製槍
礮。令八旗演習。由是我朝之威靈益震於四域矣。今
噶爾丹游魂假息。喀爾喀左近。肆行竊掠。朕欲一舉
立殄。是以整理諸路糧餉器械。熟計而行。是師之舉
與昔不同。爾將帥以下。廝役以上。各當勉力。奏凱而
還。朕必大沛殊恩。陣亡者除照常給賜身價外。護軍
則廕一子為七品官。食俸。驍騎則廕一子為八品官。
食俸。如無子則照本身錢糧。給其孀妻終老。所借公
帑官銀。皆予寬恤。儻違軍令。定以軍律治罪。○又奏

定軍中豫備火器。八旗滿洲每旗馬駝子母等礮各五位。漢軍每旗馬駝子母等礮各九位。龍礮各一位。每翼衝天礮各一位。大同府所有神威礮二十四位。交該總兵齎赴西路大軍。宣化府所有神威礮二十四位。交該總兵齎赴中路大軍。其臺灣解到神威礮約重四百斤。攜行輕便。應將此礮每旗各增攜一位。○又議准西路進剿京師八旗兵三千四百七十名。山西右衛兵五千名。大同綠旗兵五千名。合官兵廝役計二萬四千二百六十有奇。八旗兵每佐領下護

軍三人。烏槍兵一人。均給馬四匹。從役各一人。合為一幕。各齎口糧八十日。甲冑四副。戰箭二百二十枝。帳房二。鍋二。鑊斧鋏各一。行囊四。及各種需用雜物。統計重九百七十五斤有奇。馬十有六匹。兵與役各乘一馬。餘八匹以充馱載。每馬應分載百二十斤有奇。餘兵均照此例行。

○又

諭軍士接戰當豫編隊伍。首隊必多。諸王可編入二隊。兩翼兵亦應撥定。所選勇士可編入首隊。二隊及左右兩翼之兵為最要。軍士不得以前進相爭。其各集

議以聞。欽此遵。

旨議定。首隊正中。設八旗鹿角及綠旗兵。次列左右翼漢軍火礮鳥槍兵。次列左右翼滿洲火礮兵。每佐領鳥槍護軍一名。護軍一名。再兩佐領親軍一名。鳥槍兵一名。勇士及情願效力者。均編入首隊。其二隊每佐領護軍一名。兩佐領下親軍一名。

皇子王公等均在一隊。其列於左右兩翼者。每佐領護軍一名。兩佐領下鳥槍護軍一名。鳥槍兵一名。每旗子母礮。即令鳥槍兵兼管。行李令在

二隊後各隨本旗本參領。立於百步之末。再每
佐領前鋒一名。兩佐領下鳥槍護軍一名。內務
府護軍各執事人等。及各部院大小官員筆帖
式。均令在

御前。以備調用。察哈爾兵八百名。喀喇沁兵五百名。與
衆札薩克兵。別為一隊。以備追擊。其領兵接戰
之大臣。均由

特簡。○又奉

旨。中路護軍驍騎。可列為十六營。著集議具奏。欽此。遵
旨議定。

聖駕駐蹕處為一營。八旗前鋒軍列二營。八旗護軍驍騎列十六營。八旗漢軍火器營兵隨殿兵礮手棉甲兵列四營。部院堂司官筆帖式列一營。察哈爾兵列二營。宣化府古北口綠旗兵各為一營。

駐蹕御營網城內。建刁斗。設巡警二十一處。每處以旗員一人。內府護軍及執事人十名守之。網城三門。每門以護軍及執事人十名守之。外營安設巡警八處。每處以旗員一人。侍衛鑾儀衛官執事人十名守之。外營四門。以護軍執事人四十

名守之。馬匹牧廠於上三旗。每旗以旗員一人侍衛。鑾儀衛官執事人共二十名守之。禁止喧譁者。於上三旗。每旗以旗員一人護軍執事人共二十名司之。以上需用五百四十人。至分編營。畢直班守護諸事。均交領侍衛內大臣護軍統領及內務府總管約束督理。其八旗十有六營。八旗漢軍火器營四營。及八旗察哈爾蒙古兵營均

特簡皇子王公大臣等分領。○又

諭官兵馬駝及坐臺馬匹關繫緊要。應檄知衆札薩克

及喀爾喀札薩克等。嚴禁各旗偷盜。如有干犯者。即按軍法梟首示衆。家產籍沒入官。其該札薩克以及該管人員。從重治罪。○又

諭。此番出征。兵馬衆多。可分為兩路出口。前隊牧馬於路左。留路右以待後隊。則牧廠不傷。於軍士大有裨益。可將鑲黃正黃正白正紅四旗前鋒軍。並綠旗營前鋒軍為一隊。宣化府綠旗兵。左翼察哈爾兵為一隊。繼以御營四旗兵為四隊。漢軍火器營兵為一隊。出獨石口。鑲白鑲紅正藍鑲藍四旗前鋒軍。並綠旗前鋒軍為一隊。古北口綠旗兵為一隊。繼以四旗兵

為四隊。漢軍火器營兵為一隊。令其出古北口。軍行一日一隊。接踵進發。出獨石口之前鋒軍。鑲黃正黃兩旗兵。綠旗兵。牧馬於路左。正白正紅兩旗兵。及漢軍火器營兵。牧馬於路右。出古北口之前鋒軍。鑲白鑲紅二旗兵。綠旗兵。牧馬於路左。正藍鑲藍二旗兵。及漢軍火器營兵。牧馬於路右。可傳行通諭知之。○是年。

聖祖仁皇帝親統大軍。由中路進討。至庫庫車爾。偵得噶爾丹所在。

躬率八旗前鋒兵於前。次八旗鹿角及綠旗兵。次左右

翼八旗漢軍大礮鳥槍兵。次八旗滿洲大礮兵。皆按翼列陣隨行。其鹿角後頭隊兵列各旗鳥槍護軍。次列護軍。次列鳥槍兵。二隊兵亦照頭隊排列隨行。兩翼援兵。每旗子母礮。令滿洲鳥槍兵兼管。三旗大臣侍衛等。領龍纛而行。諸王及

皇子等。各在纛前進發。內府官兵執事人等。部院官及蒙古兵。均按隊伍。列陣隨行。

御用行李。及各營行李。均按各旗隊後。令防護行李官兵守護隨行。至克魯倫河。密

諭大小營中大臣等。安紮營壘如故。營內盡撤帳房。即御用行幄幔城。亦皆不設。各處皆伏兵空壁以待之。抵暮。

聖祖仁皇帝親巡視營伍。噶爾丹聞風震懾。天威遁走。巴顏烏喇西路諸將領先奉

指授。遏賊歸路。至是遇之於昭莫多。奮擊敗之。

聖祖仁皇帝軍至陀諾。乃分兵追躡。自克勒和碩回鑾。嗣噶爾丹收集散亡。復圖侵掠。

聖祖仁皇帝復親巡邊。奉

諭。朕出塞試鷹。當減從而往。撥侍衛二百人。御營撥三

旗新滿洲護軍驍騎三百人著隨子弟以代僕從撥
三旗親隨護軍三十人八旗前鋒四百人大器營護
軍千人每旗帶馬上礮三位此次隨駕前鋒護軍驍
騎以佐領內餽養之馬每人各給四匹侍衛內有無
馬之人亦各給四匹火器營護軍千人分為兩營此
行各項人等不得告請從行其部院官照秋圍例從
少點出馬匹著戶兵二部辦理。

駕發京師向歸化城至呼坦和碩渡河。

駐蹕東斯垓額魯特人絡繹來降噶爾丹遣使納款乃

降

敕招撫班師

回鑾。○三十六年。

聖祖仁皇帝三舉北征。仍分兩路出師。

巡行山西陝西。

駐蹕狼居胥山。指授方略。截窮寇遁走之路。哈密生擒

噶爾丹之子塞卜騰巴勒珠爾。俘送軍前。額魯特部長宰桑等。皆稽顙求降。三月。噶爾丹於阿察阿穆塔臺。仰藥自殺。丹濟拉諾顏格隆等。攜噶爾丹尸及其女。率三百戶來歸。奉

旨。噶爾丹已死。其屬下三百餘戶。帶噶爾丹之尸。及伊

女來降。著大將軍選兵往覓丹濟拉所在。押護前來。餘兵遣回。○又

諭喀爾喀額魯特。原皆納貢之國。因其交相不睦。屢諭和好。乃仍構釁。致起兵爭。噶爾丹曾破回子中之薩馬爾漢布哈爾哈薩克布魯特葉爾羌喀什噶爾薩拉木吐魯番哈密諸國。其所攻取降服者一千二百餘城。乃習於戰鬪之國也。喀爾喀馬能抵敵。是以七旗數十萬衆。一歲之中。喪亡略盡。喀爾喀之汗諾顏台吉等。知朕秦養蒙古。夙有厚恩。悉皆款塞來歸。其時若不允其內附。恩養得所。必皆淪入於額魯特。則

爾時噶爾丹之勢力。不言可知矣。允其內附而恩養之。噶爾丹必假此釁端。與我朝構難。凡此情形。皆經熟籌。受納喀爾喀。非漫然而為之也。噶爾丹假索取喀爾喀為名。遂犯我汎界。尚書阿喇尼率蒙古兵逆戰於烏爾會之地。我師大北。噶爾丹乘勢遂直抵烏蘭布通。距京師未及七百里。斯時諸大臣及國家諳悉軍務之人。不在行間者少矣。適朕躬以違和還京。左翼軍雖能勝敵。而右翼軍不能致勝。大臣而下。以至軍士陣亡被創者甚衆。噶爾丹亦自知其無濟。歸路遭罹瘟疫。得還科布多者。不過數千人耳。當是時。

即豫知其勢雖大損必復稱兵犯境六年以來烏蘭布通之役時廬朕懷因是訓練軍旅諮訪形勢正經理武備之時噶爾丹果復舉兵寇掠喀爾喀之納木札爾陀音於克魯倫之地朕思此賊不可以尋常寇盜視之詔武臣三品以上咸陳滅賊方略會同詳議舉朝皆以為難其言賊當討滅者不過四人朕以為此賊斷當亟圖遂宣昭大義祭告於

天

地

宗廟

社稷之靈。克成厥勳。儻事或未成。則受喀爾喀之內附。致額魯特之兵爭。糜中國之脂膏。事朔荒之邊塞。窮兵黷武。其名恐未能免矣。今我師所至。

上天佑助。無水之地而靈泉湧出。不毛之土而庶草蕃廡。事悉稱意者。此皆國家之福。將士之勞所致也。今西北永遠甯謐。其不致蒙咎者。即幸矣。自今以往。務益殫勵精。始終如一。治安之日。愈求治安。其祭告諸典禮。俱依議行。徽號不必上。○又

諭。朕君臨天下。早夜孳孳。勤求治理。惟恐一夫不獲其所。初未嘗有歧視中外。輕事兵戎。遠伐異域之事。額

魯特噶爾丹。向與七旗喀爾喀同奉職貢。嗣因兩國
交鄰。搆兵。喀爾喀汗等為所敗。叩關內附。噶爾丹
乃藉詞追擊。闖入我邊境。恣行狂逞。朕屢頒敕諭。令
其悔悟自新。而狡寇不知省悟。益肆鴟張。其逆謀不
測。實有偏處近塞。窺伺內地之漸。朕思此寇包藏禍
心。儻不即行撲滅。則異日必緣邊設防。重滋民困。何
如及時聲討。立靖根株。於是昭告

天

地

宗廟

社稷躬統禁旅不憚勤勞。三出塞外。去年夏賊於克魯倫地方自度力不能抗。倉皇宵遁。朕親追至土喇河。適西路大兵遮截其後。擊敗之於昭莫多。賊勢大挫。冬月復駐蹕鄂爾多斯。收撫其降衆。遏截其外援。而賊益困蹙。機會所在。刻不可失。遂以今年春西巡邊境。從甯夏塞遣發大兵。兩路進剿。而青海烏思藏人等皆先後輸忱自效。哈密國人又俘獻噶爾丹之子。於行在。噶爾丹窮迫已極。一聞大軍壓境。計無復之。隨於阿察阿穆塔台地方飲藥自盡。揆之料敵成謀。適相符合。自此寇氛盡滌。邊圉永安。而朕為民除

害不得已而用兵之意。亦可曉然共喻於天下臣民矣。武功告成之會。正太和殿鼎建工竣。巍煥方新。臨御伊始。協氣集於九重。觀瞻肅於萬國。是用覃敷慶澤。以上答。

郊

廟

社稷之靈。下協中外人心之望。懋武功而敷文德。聿臻熙皞之風。建宸極而聳皇圖。永慶平成之治。誕告中外。咸使聞知。命將出師。

皇帝命大將軍統帥諸軍。出討寇亂。先期。內閣大學士擬銜名。奏請。

欽定。既得。

旨。禮部製印。欽天監諏啟行吉日。送內閣以

聞。兵部徧布諸司供備。前期三日昧爽。鴻臚寺官豫設。

敕印案於

太和殿內東楹之南。內閣侍讀二人自閣奉

敕印入。陳於案。各退。鑾儀衛率官校陳

法駕鹵簿。樂部率和聲署陳樂懸。王公百官咸蟒

袍補服入就班位序立如常朝儀。出征大將軍暨從征各官蟒袍補服入俟於丹墀之東西面。禮部尚書侍郎詣

乾清門請

駕。

午門鳴鐘鼓。

皇帝龍袍袞服乘輿出宮。導從扈衛如常儀。至

太和殿北階降輿入。工舉麾鼓祝。中和韶樂作。奏隆平之章。

皇帝御太和殿升座。工偃麾戛鼓樂止。鑾儀衛官傳

鳴鞭階下三鳴鞭。戲竹交丹陛。樂作奏慶平之章。鴻臚寺官引大將軍升自東階。立丹陛之東北面。接

敕印官二人

以從征內閣官充

從升。立於左西面。分引從征

各官。按左右翼就丹墀東西拜位。均北面序立。贊進少進。贊跪。皆跪。樂暫止。贊受

敕大學士一人入

殿左門。就東案奉

敕。由中門循左闌出。授大將軍。大將軍祇受。轉授接敕官。跪奉以興。退候於左。贊受印。大學士一人奉印

授大將軍如受

敕儀樂作贊叩興。大將軍暨從征各官行三跪九叩
禮興。樂止。奉

敕印官降自東階。由

太和門。門出。大將軍從出。從征各官皆出。鑾儀
衛官傳鳴鞭如初。

駕興。中和韶樂作。奏顯平之章。

皇帝還宮。樂止。王公百官咸退出師日五鼓鑾儀衛
陳

法駕鹵簿於

午門外如常儀。文武百官蟒袍補服。按翼集

午門外東西闕下。大將軍暨從征各官服征衣。王
貝勒貝子公滿大學士將軍都統尚書蟒袍補
服。均東面。豫俟於

堂子街門內。兵部建八旗大纛各一於

堂子內門外之南。軍士執螺角。列俟於街門外。從征將
士按翼分立於甬道左右。質明。禮部尚書侍郎
詣

乾清門請

駕。

皇帝龍袍袞服乘輿出宮。

午門鳴鐘鼓。

法駕鹵簿前導。樂陳而不作。百官跪送如常儀。

駕至長安橋。軍士吸角吹螺。大將軍從征各官暨王公大臣等跪候過輿隨行。

駕進

堂子街門。螺角止。禮部尚書侍郎恭導。

皇帝降輿就位行禮如儀。羣臣咸隨行禮畢。恭導

皇帝出

堂子內門。螺角齊鳴。

皇帝至轟前行禮。大將軍暨從征各官均隨行禮畢。
螺角止。導迎樂作。奏祐平之章。

午門鳴鐘。

皇帝回鑾。是日並遣官以師行祇告。

奉先殿如常儀。其日昧爽。工部官豫張

黃幄於東長安門外南嚮。武備院官供

御座鋪陳。光祿寺官備酒以俟。

皇帝祇告。

堂子禮畢。王公大臣先至東長安門分翼序立。大將軍
暨從征將士先至幄外恭俟。

皇帝至幄前降輿。羣臣跪迎入幄。

升座。內大臣侍衛翊立左右。

皇帝召大將軍入。

親賜卮酒。大將軍跪飲畢。退。率從征將士謝

恩。行三跪九叩禮畢。佩橐鞬辭

駕。

皇帝命乘馬。乃各乘馬啟行。樂作。

皇帝乘輿還宮。王公百官送

駕如儀。各退。乃遣官祖餞大將軍於都門外。禮部官

豫張幕於門外道左。望

闕設畫屏香案。案前布拜席。內務府官設燕於幕內。光祿寺官備茶酒。俟於幕側。鴻臚寺官二人蟒袍補服。俟於香案左右。承

旨餞送之王公大臣侍衛各官蟒袍補服。俟於幕外。大軍按翼肅隊。夾道東西分列。大將軍至。下馬。從征各官咸下馬。王公大臣侍衛迎入。鴻臚寺官引就拜位。聽贊。行三跪九叩禮畢。鴻臚寺官分引就燕席。禮部兵部尚書侍郎奉茶。燕畢。望闕謝。

恩。行禮如初儀。王公大臣侍衛送至幕外。視大將軍

啟行。各退。或王公大臣先出師疆場。

皇帝即軍中

命為大將軍。先期。

臨軒遣正副使各一人持

節齋

敕印以往。至日。大將軍率屬郊迎。豫於演武場築壇
備鋪陳。壇上正中設

敕印案。前為香案。均南嚮。執事及所屬官弁咸集祇
俟。屆時。正副使蟒袍補服登壇。陳

敕印於案。退。東面立。大將軍蟒袍補服詣香案前。引

贊贊跪大將軍跪宣

敕官東面宣讀

敕文訖正使奉

敕副使奉印。以次授大將軍。大將軍祇受。轉授從官。
跪接。興復於案。贊叩興。大將軍行三跪九叩禮。
興正副使退。大將軍奉

敕印莅事。正副使還

朝持

節復

命如儀。大將軍戰勝滅寇。詠吉凱旋。先期具疏以

聞。乃振旅還。

朝。將至京師。先遣官入奏。

皇帝命廷臣以茶酒出郭迎勞。大將軍率從征將士望。

闕謝。

恩。行三跪九叩禮畢。還。

朝。從征將士以次歸營伍。翼日黎明。鹵簿樂懸陳設。王公百官陪位。均如。

頒敕印儀。鴻臚寺官陳設黃案於丹陛正中。屆時。

皇帝御太和殿。中和韶樂作。奏隆平之章。

升座樂止。大將軍出班。從征內閣官二人恭奉

敕印。升丹陛。大將軍詣案前跪。以次恭納

敕印於案。退就班位。丹陛樂作。奏慶平之章。大將軍
乃率從征將士謝

恩。聽贊。行三跪九叩禮畢。樂止。

駕興。中和韶樂作。奏顯平之章。

皇帝還宮。樂止。羣臣咸退。如窮寇乞命請降。乃封章
入告。得

旨報可。諏吉納降。所司豫於大軍之左。築受降壇。南
嚮。壇南百步外樹表。建受降旗。將校守之。屆日。

所司詣壇鋪陳。設大將軍座於壇上正中。設案於座南。陳

敕印。設參贊大臣座於左右。東西僉嚮。侍衛記室官立大將軍左右。引禮官立壇南左右。將領按隊伍立壇下左右。均東西面。按品為序。北上。從征軍士戎服。按翼肅隊。陳列壇外。至時。兵部、領降人立受降旗表下。祇俟。引禮官二人詣軍門。請大將軍升壇。軍門鼓吹三舉礮。大將軍戎服乘騎出營。鼓吹節鉞前導。引禮官騎導。參贊大臣暨侍從官騎從。節鉞將至壇。兵部官揮降人

於表前北面跪匍伏。大將軍至壇前下馬。羣臣咸下馬。引禮官引大將軍升中階登壇。南面升座。參贊大臣以下咸就位。鼓吹振作。舉礮三。兵部官揮降人膝行詣壇下。匍伏乞命。大將軍宣諭。

皇帝威德受降。量加賞賚。降人泥首伏謝。仍膝行退。大將軍降座。乘騎還營。軍門鼓吹舉礮。導引侍從如初。乃露布以

聞。率大軍凱旋如前儀。師旋。諏吉祇告。

天

地

宗廟

陵寢

社稷

先師孔子並致祭

旗纛

礮神各如儀羣臣恭進賀表

皇帝升殿受賀如朝賀儀

御製碑銘勒石太學分

命儒臣編纂方略垂示武功乃燕勞大將軍諸從征

者咸與燕翼日。論功行賞有差。若

命重臣輕略軍務。節制將帥。出征不庭。其

頒敕印祭

堂子餞送受降凱旋之儀。均與大將軍同。若奉

命統大軍出征奏捷。上所獲於京師。乃獻俘於

太廟

社稷。祇告成事。獻俘

太廟之禮。前期有司諏吉以

聞。翰林院撰祝文。太常寺以祝版送內閣恭書。受而

奉諸

神庫承祭官執事官應陪祀之文武百官咸致齋。
御史禮部光祿寺官眡割牲。均如儀。屆日五鼓。
宗室官入。

廟恭請

中殿神位奉安於

前殿。供備陳設。陪祀執事各官詣

廟祇候。均朝服。兵部司官朝服率解俘將校。豫以白組

繫俘頸。由長安門至

天安右門入。候於

太廟街門外。黎明。承祭官朝服至。俘跪伏。承祭官入。

廟就位。陪祀執事各官咸就位。立。祇告獻俘。讀祝。行三獻禮。陪祀官均隨行禮。是日。並遣官告祭。

後殿。凡陳設行禮儀節。並與時饗同。同日獻俘。

社稷前期。有司供備。翰林院撰祝文。陪祀王公百官致齋。均如祭。

太廟之儀。屆日獻俘。

太廟禮畢。兵部司官以俘候於

社稷街門外。承祭官朝服至。俘跪伏。承祭官就拜位。行禮。陪祀官均隨行禮。凡陳設及行禮儀節。並與春秋祈報禮同。禮畢。兵部司官以俘仍由原入。

之門出。各官皆退。獻俘翼日。

皇帝御午門受俘。受俘之禮。前期。兵部徧布諸司戒辦。屆日。工部官設

御座於

午門樓正中。武備院官張黃蓋於樓檐下。鑾儀衛官陳

法駕鹵簿。樂部和聲署陳樂懸。設鏡吹軍樂於樓下。設丹陛鹵簿。左當

闕左門之北。右當

闕右門之北。靜鞭仗馬在其次。設丹墀鹵簿於

闕左門

闕右門之南。金鼓在其次。丹陛大樂在金鼓之次。
輦輅設於

天安門外金水橋南。馴象設輦輅南。均夾甬道分
列如儀。鴻臚寺序立。班位內大臣率侍衛蟒袍
補服。立兩翼樓階上。護軍統領率護軍立階下。
均佩刀環衛。前引大臣十人立樓檐外階上。東
西面。後扈內大臣二人在

御座旁左右僉立。豹尾班侍衛佩刀侍衛在

御座後左右翼立。記注官立前楹之西。東面北上。承

旨大臣二人。鴻臚寺鳴贊二人。立階下東西面。鑾儀衛傳鳴鞭官。立西鳴贊官之次。東面。均北上。侍儀內閣大學士。學士翰林院學士。都察院左都御史。副都御史。立丹陛鹵簿之北。東西面。糾儀御史四人。禮部司官四人。鴻臚寺官四人。立丹陛鹵簿之南。均東西面北上。王貝勒貝子公拜位。在丹陛鹵簿內甬道東西。文武百官拜位。在丹陛鹵簿內甬道東西。重行異等。均北面。東位西上。西位東上。兵部刑部尚書侍郎立於西丹陛鹵簿之後。漏未盡。王公朝服立。

闕左右門北。百官朝服立。

闕左右門南。均按翼東西祇候。兵部司官率解俘將校。以俘由西長安門至。

天安右門入。立於右翼金鼓之後。刑部司官立兵部官之次。黎明。執事官咸就位。禮部尚書侍郎詣

乾清門奏時。遂前導

駕。

皇帝禮服乘輿出宮。前引後扈如常儀。

午門鳴鐘鼓。

駕至

太和門。大樂饒吹金鼓振作。禮部尚書侍郎恭導
皇帝登

午門樓。至前極降輿。

御黃幄。

升座畢。樂止。鑾儀衛官傳鳴鞭。校尉三鳴鞭。鳴贊贊
進俘。丹陛樂作。奏慶平之章。序班引解俘將校
自丹墀鹵簿之南進至

御道西。北面贊進。少進。贊跪叩興。將校行三跪九
叩禮興。樂止。贊退。引將校退復原位立。鳴贊贊

受俘。兵部司官率將校以俘至右翼金鼓之下。
北面跪匍伏。兵部尚書趨至。

午門前

御道西跪奏平定某地所獲俘囚。謹獻。

闕下興。少退。東面立。刑部尚書趨至。兵部尚書之
右承。

旨大臣傳

制。鴻臚寺官接宣曰。所獻俘交刑部。刑部尚書趨進。
北面跪領。

旨訖。興。偕兵部尚書退。復位。兵部司官以俘交刑部。

司官械繫由原入之門出。鳴贊贊齊班。丹陛樂作。序班分引王公百官各就拜位。立聽贊行禮。如常儀畢。樂止。鳴鞭如初。

駕興。大樂饒吹金鼓振作。

午門鳴鐘。

皇帝乘輿還宮。樂止。衆官皆退。是日

賜解俘官兵燕於兵部翼日。

午門外

賜解俘官兵冠履銀幣有差。○順治十三年定出征諸王貝勒貝子公出師前一日。將例賞衣服馬

匹弓刀等物。於

午門前頒給。大將軍率從征將士詣

御前面授行師方略。

賜燕。至出師日。

皇帝御太和殿授大將軍

敕印。

詳見禮部

賜茶遣行。○康熙十三年定。

命大將軍出征。

皇帝御殿授

敕印畢。兵部設海螺二百。鳴螺軍士。每旗二十五人。

於

堂子街門之東。設八旗護軍。燾八護軍參領八人於內門之南。持燾依次而列。

皇帝於

堂子行禮畢。鳴角吹螺。致禮於

旗燾之神。

皇帝入長安左門出長安右門。停輿。俟大將軍策馬行過。

還宮。

命內大臣禮兵二部堂官祇餞於德勝門外。以上詳見禮部

○雍正二年議准。餞送出征大將軍。

命王大臣與大將軍副將軍奉茶酒。禮兵二部堂官與參贊大臣奉茶酒。侍衛與出征各官奉茶酒。畢。望。

闕謝

恩。禮畢啟行。○七年。

命大將軍出征。

世宗憲皇帝詣

堂子行禮。拜纛如儀。惟不用參領持纛。○乾隆十四年議准。

國家陳師鞠旅。或

命重臣。經略軍務。或

命大將軍統軍出征。均臨時酌量。奏請

欽定。其體統大略相符。其應行事例。約十有二條。一

曰授

敕印。經略大將軍出師。

皇帝臨軒。王公文武百官朝服侍班。頒

敕印於

太和殿。經略大將軍率隨征諸將於丹陛上跪受
敕印。行禮如儀。二曰祓社。經略大將軍出師。先期祇

告

奉先殿啟行之日。

皇帝率經略大將軍及隨征諸將詣

皇子行禮。鳴角吹螺。祭

纛於門。三日祖道。經略大將軍啟行。

乘輿親餞於長安門外。

賜卮酒。佩弓矢上馬。文武大臣承

詔送至郊外。有司具祖帳及燕禮。兵二部堂官奉經

略大將軍茶。望

闕謝

恩乃行。四曰整旅。凡隨征參贊大臣均奉

旨欽簡外護

敕印官內閣學士一人。中書翰林院筆帖式各二人。
記室官四人。戶兵二部司官各一人。刑部理事
官一人。如蒙古地方則委理藩院官一人。應隨
侍衛候

旨欽定。經略大將軍前隊列

上賜軍械。

如甲冑刀槍
弓矢之屬。

次列令箭十二枝。次列

敕印護

敕印官隨行。經略大將軍乘馬。後建大纛。參贊大臣

及戶兵二部司官。刑部官。記室官。中書侍衛等

均隨轟行。又次以十二標旗。大隊軍旅殿。侍衛按領

內大臣統兵。或帶八旗大轟。或帶黃龍大轟。由部臨期請旨。五曰守土官

相見。經略大將軍所過地方。守土官將軍督撫

蟒袍補服。文官司道以下咸蟒袍補服。武官總

兵以下咸披執率弁兵。列陣道旁跪迎。提督副

都統近前問安。經略大將軍升官廳正坐。將軍

督撫旁坐。文官司道以下。武官提督副都統以

下行庭參禮。至起行時。將軍督撫以下各官候

送如前儀。六曰封章拜

詔。凡封奏。營門鼓吹聲礮。在營官弁兵丁均兩旁肅立。記室官恭奉奏函。安置帳中所設案上。經略大將軍行三跪九叩禮畢。兵部司官恭奉奏函。由中道授臺站。立齋馳。若

詔書至營。守營官兵肅立。鼓吹聲礮如前儀。經略大將軍出營恭候。兵部司官接授黃篋。安置帳中所設案上。經略大將軍行三跪九叩禮。受篋啟閱。如遇

欽差大臣到營。經略大將軍率。在營大臣等離營三里外迎候。跪請

聖安。守營官導引經略大將軍與

欽差大臣並馬進營。鼓吹聲礮入幕。

欽差大臣宣

旨畢。經略大將軍正坐。

欽差大臣按品級坐。

欽差大臣回京。經略大將軍率所屬離營恭送。跪請聖安。如前儀。七曰升帳接屬。凡軍營設大幕。惟經略

大將軍近侍官暨辦理軍機有職掌者。准令出入。餘官均令幕外祇候。擅入者禁。議事時。經略大將軍正坐。參贊大臣及一品官均僉坐。有問

則起立致辭。參贊出入。經略大將軍起立不迎。送提鎮等官稟事。先由傳宣官轉達。令入則引進。令坐則嚮上僉坐。每月吉及逢五逢十常參之期。參贊大臣等官入幕。按品列坐待茶。凡參贊大臣一品官入見於營門內下馬。餘官於營門外下馬。由角門出入。如經略大將軍之下。設有將軍者。與經略相見。照參贊大臣一品官儀。若外藩部落謁見。幕外官均進幕肅立。直班官弁兵丁。按汛整齊。肅立軍門。鼓吹聲礮。經略大將軍升坐。外藩人前跪稟辭畢。即引出。各官兵

丁咸退。八日簡閱。凡簡閱營伍。經略大將軍起行。軍門鼓吹聲礮。守營各大臣及官員兵丁離營里許候送。首隊齋。

敕印前行。十二標旗在後。周巡提鎮等官屯營之處。每至一營。官兵皆離營一里外。整隊列陣迎候。經略大將軍閱過。提鎮等率所屬官兵隨行。離本汛乃止。九日獻俘。經略大將軍告捷。解送俘囚至京。欽天監擇吉。獻俘於。

太廟

社稷壇。至期。兵部率解俘官兵押俘。以白組繫頸。由長。

安右門入進

天安門右門至

太廟街門外。嚮北立。候告祭大臣至。令俘嚮北跪。告祭大臣進

太廟行禮畢。兵部率解俘官兵押俘至

社稷街門外。令俘仍嚮北跪。告祭行禮如前儀。獻俘之次日。

皇帝御午門樓。王公百官朝服侍班。饒歌大樂金鼓全作。兵部堂官以經略大將軍解到逆俘跪奏請

旨有

制宣下刑部。刑部堂官跪領

制押俘出

天安門右門。王公百官慶賀。聽贊行三跪九叩禮。
十曰受降。凡經略大將軍克敵受降。軍營飛章
入告。得

旨允降。乃大書露布。傳示中外。築受降壇於大營之
左。壇方南嚮。壇以南百步樹大旗。書奉

詔納降字。降者至。兵部官引立旗下。經略大將軍出
營。鼓吹聲礮。參贊大臣各官皆隨行。兵部官令

降者於受降旗旁嚮北跪。匍伏候經略大將軍登壇。鼓吹聲。礮。參贊大臣及一品官分翼僉坐。隊伍將領等官分翼肅立。其餘官兵分班排立。兵部官引降者抵壇前。匍伏。乃宣諭。

德音。酌加賞賚。聲礮鼓吹。降者泥首伏謝而退。十一日告成。凡奏凱告成致祭。

天

地

宗廟

社稷

陵寢釋奠於

先師孔子。勒碑太學。羣臣恭進賀表。並請編纂方略。以垂奕禩。十二日班師。凡師旋將入城。

遣廷臣出郭迎勞。經略大將軍還

朝謝

恩。

皇帝御殿。設鹵簿。王公百官朝服侍班如儀。鴻臚寺官引經略大將軍從征各官於丹陛上。恭繳敕印。行三跪九叩禮畢。

皇帝還宮。翼日

賜燕。頒賞進爵有差。○三十四年。

命大學士忠勇公傅恆前往雲南經略軍務。擇吉於二

月二十一日出師。

高宗純皇帝不升殿。不詣

堂子行禮。不祭燔。不

親送。先期十八日。

命內閣大臣頒給經略大臣

敕印。

頒印詳見禮部敕

欽定大清會典事例卷五百八十一

兵部

出征

軍令一

軍令○天命三年。

太祖高皇帝頒訓練兵法之書於統兵貝勒諸臣曰。凡安居太平。貴於守正。用兵則以不勞己。不煩兵。智巧謀略為貴焉。若我衆敵寡。我兵潛伏幽邃之地。毋令敵見。少遣兵誘之。誘之來。是中吾計也。誘而不來。即詳察其城堡遠近。遠則盡力追擊。近則直薄其城。使壅集於門而掩擊之。儻敵衆我寡。勿遽進前。宜豫退。

以待大軍。俟大軍既集。然後求敵所在。審機宜。決進退。此遇敵野戰之法也。至於城郭。當視其地之可拔。則進攻之。否則勿攻。儻攻之不克而退。反損名矣。夫不勞兵力而克敵者。乃足稱為智巧謀略之良將也。若勞兵力。雖勝何益。蓋制敵行師之道。自居於不可勝。以待敵之可勝。斯善之善者也。每一牛象製雲梯二。出甲二十。以備攻城。凡軍士自出兵日至班師。各隨牛象勿離。如離本羣。執而訊之。甲喇額真不以所頒法律戒諭於衆。罰甲喇額真及本牛象額真馬各一匹。若諭之不聽。即將梗令之人論死。甲喇額真及

本牛象額真。凡有委任職事。自度果能勝任。則受之。不能則不受。蓋委任者之意。非止為一人。如不勝任。而強受之。則率百人者。百人之事敗矣。率千人者。千人之事敗矣。國家之事。莫大於此。至於攻取城郭。不在一二人爭先競進。一二人輕進。必致損傷。被傷者。賞不及。縱殞身。亦不為功。迨列陣已定。爭為先登。以陷城者。方錄其先進之功。其先登陷城者。馳告固山額真。俟環攻軍士四面並進。城陷。然後固山額真鳴螺。俾各路軍士聽螺聲。一時並進。○天聰三年。

諭朕仰承

天命興師伐明。拒戰者不得不誅。若歸降者。雖雞豚毋得侵擾。俘獲之人。勿離散其父子夫婦。勿淫人婦女。勿掠人衣服。勿拆廬舍祠宇。勿毀器皿。勿伐果木。如違令殺降淫婦女者。斬。毀廬舍祠宇伐果木掠衣服及離大羣入村落私掠者。鞭一百。又勿食明人熟食。勿酗酒。聞山海關內多有酖毒。更宜謹慎。勿以乾糧飼馬。或馬匹羸瘦。可量煮豆飼之。肥者止。宜以草秣之。俟休息時再飼以糧。凡採取柴草。毋得妄行。須聚集衆人以一人為首。有離衆馳往者。拏究。如有故違軍令者。將不行嚴禁之。固山額真甲喇額真牛錄額

真一併治罪。○六年

諭凡出獵行兵。一出國門。勿忘軍法。當整肅而行。不可喧譁。爾固山額真梅勒額真甲喇額真牛永額真以次相統。若果將所屬軍士。嚴行曉諭。何至喧譁。今後有喧譁者。該管將領。照例治罪。喧譁之人。懲責之。起行之時。若有擅離大纛。一二人私行者。許執送本固山額真。罰私行人銀三兩。給予執送之人。駐營時。採取薪水。務結隊偕行。有失火者。論殺。凡軍器。自馬絆以上。俱書各人字號。馬須印烙。並緊緊字牌。若有盜取馬絆籠頭馬韉等物者。俱照舊例處分。有馳逐雉

免者。有力人罰銀十兩。無力人鞭責。起行之日。不得飲酒。若有離羣後行。為守城門及守關人所執者。貫耳以徇。○八年。

命將征黑龍江部落

諭爾等此行。道路遙遠。務奮力直前。慎勿憚勞而稍怠也。俘獲之人。須用善言撫慰。飲食甘苦。一體共之。則人無疑畏。歸附必衆。且此地人民。語音與我國同。攜之而來。皆可以為我用。攻略時宜語之曰。爾之先世。本皆我一國之人。載籍甚明。爾等向未之知。是以甘於自外。我皇上久欲遣人詳為開示。特時有未暇耳。

今日之來。蓋為爾等計也。如此諭之。彼有不翻然來歸者乎。爾等其勉體朕意。大丈夫凡受委任。當圖報稱。語云。少壯不努力。老大徒傷悲。誠哉是言。若此時不力圖建樹。異日雖悔何益耶。○是年。

命將進征大同

諭行軍事宜。每牛錄派阿禮哈超哈兵二十名。擺牙喇兵八名。各處兵士期於十九日入城。阿禮哈超哈兵於二十日啟行。擺牙喇兵於二十二日啟行。右翼五旗由上榆林出口。左翼五旗由沙嶺出口。師行時勿擅離本羣。勿酗酒。凡隨滿洲旗蒙古貝勒。各該固山

額真率之以行。勿使一二後期。即滿洲蒙古阿禮哈超哈兵。亦勿使一二後期。其大凌河蒙古及歸化城俘獲蒙古與各處所獲新蒙古等。不必率往。如蒙古中有其主自言所屬蒙古人。曾給以奴僕。使之各居。撫養得所。可保不逃者。即許彼攜往。如將蒙古內不足憑信之人。擅行攜去。以致脫逃者。罪之。每甲喇出弓匠二名。每牛叟出鐵匠一名。鑊五鑊五。斧五斧二。鑿二。每隨帶鐮刀。各備一月糗糧。每牛叟煮一杆。每二人共鎗一杆。箭五十枝。每甲喇出雲梯二架。用豫採乾木為之。各備冬衣一副。固山額真以下。牛

衆章京以上。各量力備辦衣服涼帽。凡馬絆及匙梳俱書字號。每兵攜帶帳房一架。○崇德三年

諭。凡和碩親王多羅郡王多羅貝勒固山貝子臨陣交鋒。若七旗王貝勒貝子卻走一旗。王貝勒貝子拒戰七旗獲全。即將七旗牛衆下人下給拒戰之一旗。若七旗拒戰一旗卻走。即將卻走人下分與七旗。若一旗內拒戰者半。卻走者半。即以卻走人下分給本旗拒戰者。有因屯紮他所未拒戰而無罪者。免革人下。其拒戰之王貝勒貝子。別行給賞。若七旗未及整伍一旗王貝勒貝子拒戰得功者。按功次大小俘獲多

寡賞之。野戰時。本旗大臣率本旗軍下馬立。王貝勒貝子等率護軍乘馬立於後。若與敵兵對仗。王貝勒貝子大臣不按隊伍輕進。或見敵寡妄自衝突者。奪所乘馬匹及俘獲人口。凡兩軍相對。必整齊隊伍。各按汛地從容前進。如擅離本隊。隨別隊行。擅離本汛。由他汛入。及衆軍已進。獨卻立觀望者。或處死。或籍沒。或鞭責。或革職。或罰銀酌量治罪。凡整伍前進。稍有先後。毋得彼此爭論。但以按汛擊敵。不致退縮爲上。若有以此爭論者。卽爲立心不端之人。如敵人不戰而遁。我軍追擊之。宜選精兵驍騎。合力馳擊。護軍

統領不得前進止宜領轟整伍分隊以躡其後。僅遇
伏兵。或於追躡時遇敵旁出。護軍統領乃親擊之。凡
大軍起營時。各按牛象旗。轟整隊而行。若有一二人
離隊往來。尋索遺物及酤酒者。皆貫耳。自出城門務
遵軍律。肅靜行伍。毋得喧譁。固山額真甲喇章京牛
象章京等。以次各有統束。統束嚴明。則該管隊伍。豈
有喧譁之理。今後有喧譁者。該管官坐以應得之罪。
喧譁者責懲。軍行時。如有一二人離旗行走者。許同
行人即報送本固山。執送者賞銀三兩。下營時。凡取
薪水。務集衆同行。安致失火者斬。軍士甲冑均書號。

記。冑兩旁皆用圓鐵葉。無甲者。衣帽後亦書號記。一切軍器。自馬絆以上。均書姓名。馬必繫牌印烙。不印烙者。罰銀二兩。箭無姓名者。罰銀二十兩。如得他人箭。隱匿不出者。亦罰銀二十兩。軍行時。若見禽獸。馳馬追射者。兵丁射以飽箭。貝子大臣坐以應得之罪。夜行時。每牛象人等有別吹竹為號者。執治貫耳。若不執治。議甲喇罪。盜鞵鞵及鑾絡羈絆者。按法治罪。若馬上行李偏墜。應整理者。本旗人均站立待整。乃行。兵入敵境。若有一二人離營私掠被殺者。妻子入官。仍治本管官罪。勿毀寺廟。勿妄殺平人。抗者戮之。

順者養之。俘獲之人。勿褫其衣服。勿離散人夫婦。雖
不為俘獲者。亦不許褫衣侵害其俘獲之人。勿令看
守馬匹。如有一二人妄取糧草被殺者。罪與離伍擒
掠者同。毋食熟食。毋飲酒。前此我兵飲食不慎。以不
知敵人置毒於中耳。今特曉諭。宜加謹慎。有不遵者。
依律治罪。○七年

諭朕屢欲與明議和。彼國君臣不從。是以命爾等率兵
往征。爾等勿以我兵強盛。自弛防範。古云驕敵者敗。
其敬慎戒備以行。我國固山額真護軍統領於行間
勇士。多不肯以其所長上聞。如此則勇戰之士何以

激勸。凡新歸蒙古漢人。必一體相待。儻或歧視。致有困乏。亦非為國效忠之臣也。我軍至明。彼或遣使求和。爾等即應之曰。我等奉命來征。惟君命是聽。他無可言。爾如有言。其向我君言之。必吾君諭令班師。方可退兵。可將朕此旨向外藩蒙古再三曉諭。

國初定。臨陣衆寡不敵。在危急時。被人救出者。照被人救陣亡卹賞。減去一半。其一半官出一分。被救人出一分。賞給能救之人。若兩軍相戰時。有能將落馬之人救出。與馬騎者。係公以下副都統以上。給銀一百兩。參領輕車都尉以下。給

銀六十兩。平人給銀二十兩。俱於落馬人名下追給。如將屍骸救出者。賞給官馬一匹。其樵牧軍士。亂行陷敵。被人救出者。亦酌量卹賞。於帶領官名下追銀一半。賞給能救之人。若不係亂行。帶領官無罪。令被救人給予半分。救出至親。不在此例。○又定。攻戰失利。被傷官兵。概免議處。○又定。攻城不克。將城下被傷之人。有能救回者。照被傷人應得卹賞例。減去一半。其一半官出一分。被傷人出一分。給予能救之人。如將屍骸救出者。令同領戰官給銀三十兩。○順治

八年定發兵之時。或在家。或在外。違限者。該管參領佐領等官。每兵一名。罰銀五兩。若至革職等重罪。候

旨定奪。兵丁不遵約束。抗違者。酌量罪犯責懲。該管官仍行議處。○十三年定。隨征前鋒護軍領催馬甲跟役等。私自逃回。初次鞭一百。遞發軍前。二次正法。○康熙十一年題准。官員出征。在家規避不起身者。革職。在外違約者。革職。提問護軍及領催馬甲等。在家規避不起身者。鞭一百。仍發軍前。在外違約者。鞭一百。所獲人口入官。

若係差遣之處不遵號令違誤者鞭一百出兵之處不遵號令妄行者為首人正法餘各枷三月鞭一百該管官罰俸一年。○十二年。

諭兵部遣發大兵原為勦除叛逆以安百姓凡兵丁廝役於所在地方恐有恃強掠民財物拆人廬舍壞人器具汙人婦女擾害生民及損壞運河牆板椿木統兵主帥各宜體朕為民除叛用兵之意申明紀律嚴加鈐束儻有違禁妄行從重治罪著即速行曉示。○

十三年。

諭科爾沁公圖納黑我

太祖

太宗以來爾祖父同心效力佐定天下。爾國賦稅聽爾自取。朕念爾國窮苦。加意撫養。今聞調至爾所屬兵卒。有掠取民物者。在京尚如此。况離此遠去。豈不益肆搶奪。爾久歷行間。宜嚴禁兵卒。毋得恣行強橫。如有亂法者。即會同貝勒議行懲治。且中夏炎熱。爾衆早晚飲食。各宜自慎。以副朕軫恤軍士之意。○十四年。

諭出征鎮安將軍都統噶爾漢。爾所率蒙古兵丁馬匹。雖不甚肥健。今野多青草。師行必不致誤。聞前往蒙

古兵卒。沿途頗有擾掠。此行務加意嚴禁。毋得侵奪民物。凡行軍駐營。俱令與滿洲兵相近。毋得遠離。

十五年。

諭陝西諸將士。我國家自創業以來。克敵攻城。必主帥奮勇先登。軍士效死戮力。方能速建膚功。今聞爾等凡與敵遇。率皆乘閒伺隙。觀望不前。但令士卒前驅衝突。督撫等亦多坐失事機。故致勞師匱餉。因命都統大學士圖海為撫遠大將軍。前往平涼。總統諸軍。爾等痛改前愆。殫心圖效。若仍蹈前轍。一經大將軍指名劾奏。必置重典。至兵士行閒勞苦。朕已悉聞。爾

等衆兵宜體朕泰養之恩益奮勇效力果建功勳不
各爵賞爾等勉之。○十八年

諭領兵諸王將軍等藉通賊為名燒民房舍擄掠子女
搶奪財物或分兵所往之處私自擄掠者令該督撫
題叅治罪如督撫隱匿事發日督撫革職。○十九年
諭督理川湖糧餉佛倫金鉉等大兵進勦雲貴務在安
輯人民撫綏苗蠻其敕將軍以下諸臣嚴禁官軍擄
掠。又題准或攻城或野戰如將陣亡屍骸不能救
出者同戰之參領散秩官護軍校驍騎校降二
級調用領戰之該營總降一級調用領戰之大

員罰俸一年。○二十三年議准官兵被傷退回者。若係一二等傷痕免議。三等以下傷痕。仍與失利者同罪。如未經被傷。冒作傷痕退回者。照規避例治罪。若係官員重傷。止許親隨人等送出。無親隨人。令兵丁一二名護送。兵丁重傷。亦止令兵丁一二名護送。多差者。將差撥各官治罪。○二十七年。

諭都統瓦岱。茲以湖廣督標裁兵鼓譟。特命爾瓦岱為振武將軍。馳驛前往江甯。爾到江甯。帶領滿兵。京口漢軍兵丁。京口鎮標水師營兵。江南江西督標火器

兵丁戰船酌量帶領水陸並進。星速前往湖廣。與荊州將軍侯巴。渾德。江甯將軍博。霽。副都統倭。賀。商酌而行。務須平定亂兵。撫安黎庶。毋得遲延。致令滋蔓。仍宜勦撫並用。嚴加偵探。毋得疏虞。大兵一到。抗拒不順者。戮之。有先被賊脅從。即時迎降者。俱免誅戮。有能擒殺賊渠。投誠者。分別升賞。須嚴禁兵將。申明紀律。經過地方。毋得騷擾百姓。歸順良民。加意撫綏。以副朕定亂救民之意。其行間將領功績及重罪。俱察實紀明彙奏。○二十九年

諭本朝自

列聖用兵以來戰必勝攻必克所向無敵者皆以賞罰明法律嚴兵卒精銳器械堅利人思報國殫心奮勇之所致也今軍行其令各該都統以下察覈軍實凡甲冑弓矢諸軍器務令犀利堅好盔甲均繫號帶並書旗分佐領姓名繫於馬尾其行也視大纛整隊齊發有零星前後亂行及酗酒者該管官立拏懲責其止也各按旗分隊伍分別屯紮有前後錯亂者罪及該管大員馬無印失無名各罰以銀給拏獲者竊取輦轡什物馬匹者視其多寡之數治罪失火者從重究懲官兵廝役所過地方毋騷擾毋搶掠毋踐踏有

擅離營伍入邨落山谷奪人財物者軍法從事並罪
本主及該管官軍士廝役逃亡在汛界內立行查拏
治罪如出汛界外該管大員即遣官兵窮追務獲立
斬以徇如不能獲則將往追官兵從重治罪其逃人
之主及該管官一併嚴行究懲既出我境哨探斥堠
務期嚴密如曠野列陣交兵王貝勒貝子公大臣有
不按次序攙越前進及見賊兵寡弱不復請令冒昧
前進者有功不敘仍治其罪其進也須齊列緩轡按
隊前行如自離其隊而附人後或自棄其伍而入別
行或他人已入而獨留不進者其應斬應籍沒及懲

責革罰分別治罪。如整旅而進。擊敗賊兵。厥功維均。勿以略分先後。致生爭競。至敵兵不戰而潰。則選精騎追逐之。後隊躡蹤而進。如遇伏兵。或賊兵有旁出者。則後隊接戰。夫兵者所以討逆而安順也。領軍大臣果能嚴束其下。不使良民受害。膺上賞。違者罰無赦。凱旋之日。有以兵器私售蒙古者。本人治罪。並及該管官。馬乃大軍急需。須視水草佳處。小心牧養。起行時。則留將卒查遺失之馬。繫繫尾所繫字樣。交還原主。如係疲馬。則開明馬色數目。交所在官司。人民蒙古善為牧養。報知兵部。如有隱匿私乘及殺之棄。

之者。治以罪。其遺失馬匹之人。亦開明馬色報兵部存案。恐官兵未能徧知。爾部其刊布曉諭之。○又諭。師出以律。可奏膚功。自我

太祖

太宗

世祖以至於今。野戰必勝。攻城必克。所向無前。雖士卒世受國恩。捐軀報效。實由我朝軍紀森嚴。信賞必罰。兼以兵馬精強。器械整齊。所致也。朕今次軍行。特規酌舊制。參以新謨。爰著為令。告我六師。一大軍出征。本都統護軍統領副都統參領等。審視官兵甲冑。

弓矢暨一切軍中器用。務期堅利。兵之盔尾甲背及戰矢之餘。各記名其上。馬烙以印。繫尾處繫小牌。書旗分佐領姓氏。以為記號。馬不烙印。追銀二兩。箭不書名。追銀十兩。給舉首之人。一啟行時。凡兵衆必各率行裝。按旗隊以次前進。不得零星散亂。後先越起。自出國門。以至旋師。當各遵守。違者鞭責示警。一在道毋離羣。毋酗酒。毋喧譁。毋叫呼。不遵者該管官即行捕責。一所過地方。不得擾害居民及蒙古部落。如侵犯子女。掠奪馬畜。蹂躪田禾。及擅離營伍入邨莊山谷。強取一物者。兵丁廝役俱從重治罪。其該管官

及廝役之主。一併議罪。一邊境以內。凡兵役在逃。立刻緝拏。依定例治罪。出邊而逃。該管大臣。即發官兵。務窮追捕。以正軍法。設追緝不獲。往追人從重治罪。伊主並該管官。一併嚴處。一下營務。按旗列幕。不密不疏。如越旗亂次。前後攙雜者。將該管大臣。官員分別治罪。其兵役內有慙不畏法。盜馬上零星諸物者。懲以鞭責。盜馬匹及鞵轡者。視盜賊多寡。按律治罪。一出哨。毋攜大纛。各帶本旗顏色小旗。遠距大營。設哨。勤加巡視。比暮則還。就近地勿舉火。勿攜帳。一人一騎。其馬備鞵。以待晝則近身牧放。夜則刈芻拴餵。

設寇至。探明即飛報大營。若無寇妄報。與寇近。不知以致傳報稽遲者。主將將該汛坐哨官兵立刻正法。軍前示衆。一值夜巡徼官兵。必張弓束服袴靴。並解甲囊以備。不可怠忽。無事人昏夜不得擅行。行者必問。如衣服器械有異。即行擒拏。苟貪睡偷安。或令數缺少。該管大臣查出。嚴治其罪。一與寇相近。管兵將軍大臣酌派前鋒參領率兵往探。務詳審賊情虛實。地勢險易。並嚴禁營中。夜毋然火。一對敵列陣時。主將必度地據險。寇或布野。或結駱駝鹿角為營。我軍分列行間。指明某隊某旗當擊敵陣某處。戰時鳴角。

進軍戰畢仍鳴角收兵。官兵或棄其部伍混入他人部伍。或軼出本陣往附他人尾後。或逡巡觀望逗遛不進。照所犯輕重正法。籍沒鞭責革職。至我軍分陣進擊。某旗對陣敵堅不動。即發所備援兵助擊之。又對面臨陣時。王貝勒貝子公大臣官員或不依次喧闐擁入。或見敵寡不請擅進。此一次功不議仍以罪論。一敵陣動搖。我軍攻入。當嚴禁官兵不得掠人畜財物。如不遵軍法貪行攫取者。重懲不貸。一敵敗北。即選兵馬追之。隨派隊伍接踵繼進。僅追兵墮其伏中。或遇寇游兵。我後兵與之接戰。前隊兵仍行追進。

一師旋日當嚴行禁止。凡軍器不得售賣存留與諸蒙古違者從重治罪。該管官一併議處。一駝馬為師行要需。須擇水草善地牧放。夜則加意巡防。起行時留官兵於後。收查遺失駝馬。審其印烙牌記。各交原主。其疲乏者。即於就近地方官。或邨莊居民。或札薩克蒙古處。辨色登數。交與飼養。仍以其數報明兵部。如有將遺失駝馬隱匿乘用。或因其疲乏委棄宰殺者。嚴治以罪。令駝馬原主開明遺失疲乏駝馬顏色數目。亦報兵部登記。一軍情關係甚重。凡出征官須各計口按日支領攜帶。儻不如額。查出即從重治罪。

一有職掌大臣官員。原各有親隨兵卒。不得復於大
兵內抽取。以分兵勢。如委署人員及官之原無親隨
兵卒者。許各抽一名。一大兵存駐處。毋令閒情。每日
較射。磨礪器械。所頒軍令。不時宣諭。令其詳悉。夫兵
者所以討逆安民。朕不得已而用。統兵大臣能體朕
意。嚴束屬下官兵。於所過邊境內外。不輕取一物。使
人民安堵如故。奏凱日自行升賞。如縱官兵為非。擾
害生事者。定加重處。凡茲軍令。應通行曉諭各路官
兵。如傳示不到。即將傳示之人。以軍法從事。爾部其
以朕諭與前南苑所降之旨。一併刊頒。俾各懍遵。毋

忽。○三十三年題披甲人等不遵法紀。應將官兵治罪。

諭大學士等。此事著嚴處。且頒給將軍等敕書內首言勿得累民。凡行兵若無紀律。斷不能成事。前南方用兵時。不擾民者皆克成功。凡擾民之兵無一成功者。易曰。師出以律。民豈可令其擾害乎。凡領兵將佐皆宜知之。○三十五年。

諭八旗大臣等。爾等皆朕簡用之人。今噶爾丹震懾兵威。聞風而遁。諸大臣雖不得與戰。惟約束官兵不擾沿途居民。不飲酒。不妄行搶奪。善飼馬畜。就水草小

心牧放不盜刈田禾以飼牲畜不踐踏田禾不遺一人一騎全使到家此即爾等之效力也如肆行搶奪遺留人馬事發斷不輕恕。四十八年。

諭大學士等朕聽政年久凡事無不留心昔朕西巡時曾以戰地問於曾經行陣之提督總兵官等皆言自古戰陣之事必於舊戰地交戰從無戰於不可戰之地者朕觀韓信嶺上下凡七十里未嘗有一戰於此者以無水不可立營故也前我師征漠北與噶爾丹戰於昭莫多之地明永樂出塞時亦嘗戰於昭莫多以此觀之皆於舊戰地戰也行兵之道立營必視水

草西北土厚掘至百丈有餘始能得泉一井之汲綆須一騎負之其地如此焉可屯兵是以用兵必以地利為要古人善用所長後人萬不及一也凡為將者烏可不知此意乎。○雍正元年遵

旨議定軍令條約。凡戰陣之際聽掌號擊鼓鳴金為進止。聞鼓不進聞金不止者斬。遇敵進戰有回顧畏縮交頭接額私語者斬。專司掌號擊鼓鳴金之人聞令即掌號擊鼓鳴金令止即止違者八旗兵鞭責四十綠旗兵棍責三十。臨陣違令者斬。大將軍密傳軍令轉傳之人增減要言者斬。

大將軍授緊密軍令。私告他人。以致宣揚誤事者斬。官兵殺傷良人。冒功者斬。掠取他人戰功。及詭稱功績。以無為有。以輕報重者斬。沿途欺及民番。恃強買賣掠財物。毀房屋姦婦女者。皆斬。指稱夢見鬼怪。造言惑衆者斬。兵丁中途染病。該管委署護軍校領催紅旗管隊。即同護軍校驍騎校千總把總一同驗確。稟明該管官。令醫調治。如不驗看醫治。該管委署護軍校領催鞭五十。紅旗管隊棍責四十。護軍校驍騎校千把總插箭。如兵丁詐病偷安者斬。大將軍與同

官密議軍情。有私行竊聽者斬。差往探聽賊人
形勢。畏縮不往。詭稱已去。妄報虛實。及探聽不
實。貽誤軍機者斬。獲逸馬。隱匿私乘。不給馬主
者。八旗兵鞭五十。綠旗兵棍責四十。仍插箭游
營。有獲馬私宰。或售於別人者。皆斬。臨陣竊馬
潛逃者。斬。傳首示衆。如在紮營地方犯者。八旗
兵鞭一百。綠旗兵棍責八十。紮營地方輪班守
卡。嚴肅訪查。夜遇緊急。即密稟申報。設備以俟。
有驚怖喧譁。擾動散走。以致亂營者。斬。私語嗟
怨。長吁短歎者。八旗兵鞭七十。綠旗兵棍責六

十。責後復犯。並臨陣時故違者斬。黑夜無故驚呼疾走。致亂營伍者斬。白晝犯者。八旗兵鞭五十。綠旗兵棍責四十。面承該管官諭令辭色傲慢者。八旗兵鞭五十。綠旗兵棍責四十。有意抗違。致誤軍機者斬。疏防失火。燒毀草廠。八旗兵鞭一百。綠旗兵棍責八十。若臨敵境失火。致燒草廠者斬。失火致燒衣服器械。八旗兵鞭五十。綠旗兵棍責四十。如在存儲火藥地方失火者。八旗兵鞭一百。綠旗兵棍責八十。該管護軍校驍騎校。委署護軍校領催千總把總紅旗管隊。

皆插箭游營。臨陣時。軍營失火致誤大事者。兵丁及該管委署護軍校領催。紅旗管隊。悉斬以徇。兵丁晝夜夢魘。旁人即行喚醒。如有隨聲應和。擾及營伍者。八旗兵鞭七十。綠旗兵棍責六十。該管委署護軍校領催。紅旗管隊。插箭游營。臨敵營犯者。皆斬。管守營門。縱人擅入者。八旗兵鞭七十。綠旗兵棍責六十。對敵時犯者。斬。差往偵探之人。遇賊投誠。不稟報者。八旗兵鞭七十。綠旗兵棍責六十。如將投誠之人。不即解送。以致逃散者。八旗兵鞭一百。綠旗兵棍責八十。

因而洩漏軍中虛實者。照洩漏軍機例治罪。大
兵進剿。敗賊後。不奉大將軍令。擅奪車馬輜重
者。插箭游營。因而擾亂營伍者。斬。倚強欺弱。酗
酒為非。不遵約束。輕者鞭責。重者插箭。汙穢水
泉。飲不以次者。八旗兵鞭一百。綠旗兵棍責八
十。支領口糧。肆行拋棄狼籍者。八旗兵鞭一百。
綠旗兵棍責八十。該管委署護軍校。領催。紅旗
管隊等。不即呈報者。插箭。兵行不按隊伍踐踏
草地者。八旗兵鞭一百。綠旗兵棍責八十。紮營
時。牧放馬駝牛羊。縱令蹂躪者。八旗兵鞭一百。

綠旗兵棍責八十。仍插箭游營。該管官插箭。兵丁押運軍糧。在途私竊升合。或竊同營兵丁口糧。及損傷盛米囊。索致多虧折者。八旗兵鞭一百。綠旗兵棍責八十。弓箭撒袋。腰刀皮索。一切軍器。不加收管。致有遺失。並應攜器械。擅自離身。八旗兵鞭一百。綠旗兵棍責八十。該管委署護軍校。領催鞭四十。紅旗管隊棍責三十。護軍校。驍騎校。千總。把總等。插箭。在途見遺失刀箭等物。拾取。不稟報給還者。八旗兵鞭四十。綠旗兵棍責三十。均插箭游營。無緊急事。私行馳馬。

者。八旗兵鞭五十。綠旗兵棍責四十。追奪馬匹。令其步行。兵行各按隊伍。以次而前。無論道路險夷寬窄。有先後離隊撓越者。八旗兵鞭五十。綠旗兵棍責四十。均插箭游營。結營之後。各帳房出一人。見藍旗則取柴。見黑旗則取水。有便溺者。守門官兵驗明。照牌准其出入。起更後不准出營。違者八旗兵鞭四十。綠旗兵棍責三十。該管妥署護軍校。領催。紅旗管隊等。不嚴行約束者。插箭。夜傳軍令。怠慢不遵。巡查坐堆偷安寢睡。誤更曠班者。八旗兵鞭一百。綠旗兵棍責

八十。該管紅旗管隊不查報者。八旗兵鞭五十。
綠旗兵棍責四十。臨陣時犯者斬。妄行動作傲
慢官長者。插箭游營。各營馬步兵所攜槍礮火
藥。不加謹收儲。以致潮溼不能著火。及玩忽拋
棄。或用藥任意狼籍者。八旗兵鞭五十。綠旗兵
棍責四十。該管紅旗管隊插箭游營。如有遺失
火藥者。八旗兵鞭一百。綠旗兵棍責八十。該管
委署護軍校。領催紅旗管隊插箭游營。鉛彈務
按槍口之大小。如式製造。如鉛彈不合槍口。係
平日演放。八旗兵鞭五十。綠旗兵棍責四十。皆

插箭游營。該管委署護軍校領催紅旗管隊插箭游營。護軍校驍騎校千總把總插箭臨陣時。兵丁用不合槍口之鉛彈施放者斬。該管委署護軍校領催鞭一百。紅旗管隊棍責一百。護軍校驍騎校千總把總插箭游營。營總參領參將守備記大過一次。馬駝牲畜不遵照傳檄如法牧養者。八旗兵鞭一百。綠旗兵棍責八十。該管護軍校驍騎校委署護軍校領催守備千總把總插箭沿途所過井泉飲馬之時。以次而前。不得爭先擁擠。有故意爭奪。縱馬踐踏。汙穢泉水。

者。八旗兵鞭一百。綠旗兵棍責八十。奉

諭。自古用兵之道。首以申明號令為務。周易曰。師出以律。周書曰。不愆於六步七步。不愆於四伐五伐六伐七伐。乃止齊焉。可知進退步驟之間。尺寸不可違越。方為節制之師。而平日必須申明號令。使三軍之士。無不熟知深曉。儻其中或有不遵者。則按軍律置之於法。是其獲罪。乃本人之自取。無所歸咎。雖領兵將帥。不能以己意一毫輕重於其間。此大公之道也。我國家武備精強。超越往古。從來軍行之際。紀律嚴明。信賞必罰。是以天戈所指。迅奏膚功。此中外臣民所

共知者。今承平日久。新進少壯之人。未曾親履戎行。則與從前規制。未必一一諳練。若不詳細申明宣諭。以致官弁兵丁等。或因陷於不知。而遽罹罪譴。朕心實為不忍。今特命大臣等。酌議軍令條約。經朕親加鑒定。凡大端細務。莫不備載其中。蓋以軍機關繫至重。必使事事合於紀律。人人祇奉章程。勿犯重罰。而妄冀從輕。勿因事小而。不遵成法。將來荷

天眷佑。奏凱言旋。凡我弁兵等數十萬人。有大功而無小過。此則朕心所厚望者也。著即刊刻。交與兩路大將軍通行頒布。咸使懍遵。○乾隆十三年

諭軍旅乃國家第一要務。軍法從事。定例綦嚴。今刑律內玩寇老師。有心貽誤。竟無正條。非所以重軍務。儆戒失律也。夫科場作弊。尚即正典刑。若以行軍相較。孰為輕重。自應稽查舊案。明著刑章。俾衆知畏。法方能鼓舞用命。此非朕欲用重典。實以昭示武臣。肅紀律而勵勇敢。辟以止辟之義也。現在纂修會典。著軍機大臣會同該部詳酌定議具奏。載入遵行。欽此。遵旨議定。重臣膺閭外之寄。自當戮力疆場。綏安邊徼。至於玩愒偷安。甘心養寇。傾險妬功。忍心誤國。實屬情罪重大。今按中樞政考軍令一篇。均為所

屬弁兵約法不及統兵之人。誠於責成。專聞申
嚴軍紀之意。有所未備。嗣後凡統兵將帥。玩視
軍務。苟圖安逸。故意遷延。不將實在情形具奏。
貽誤國事者。又凡將帥因私忿媚嫉。推諉牽制。
以致糜餉老師。貽誤軍機者。又凡身為主帥。不
能克敵。轉布流言。搖惑衆心。藉以傾陷他人。致
誤軍機者。均屬有心貽誤。應擬斬立決。庶軍律
嚴明。而身任元戎者。亦知儆懼奮勵矣。○十四
年

諭。國家設立營伍。領以將弁。所以禁暴止姦。折衝禦侮。

責暴重也。兵法失律有誅。書稱不用命戮於社。立法之嚴如此。近來法司衙門。於官犯相蒙。多入緩決。因而武弁亦邀寬典。大非立法之本意。夫軍旅之事。國家不能保其百年不用。必當申明紀律。信賞必罰。方足以振憲綱而作士氣。誠使為將弁者。在平時則勤訓練。嚴拔補。謹巡防。以固疆圉。設有緩急。統帥則詳審機宜。熟籌勝算。其偏裨士卒。則奮勇爭先。摧鋒陷陣。不避矢石。效臂指之使。自能克敵制勝。若平時不能拊循而流於廢弛。或苛急而激為忿怨。偶遇小醜竊發。則號令不明。指揮不定。畏葸退縮。縱寇老師。或

臨陣之時。望風委靡。甚至敗蔽容隱。負恩債事。國家所倚。以為干城腹心者。何在此。而不誅。何以示懲。乃使久繫囹圄。累歲經年。虛擬罪名。獲全首領。是軌法也。後之任事者。何由知戒。朕以仁治天下。慎重民命。罔敢弗欽。而天討所在。朕勿敢赦。如訥親。張廣泗之誤國負恩。屢頒諭旨。已立正典刑。慶復之欺蒙縱寇。亦已賜令自盡。而詳閱秋朝審冊內。除李質粹。宋宗璋。尚須待質。袁士弼。情非退縮。應該緩決。此外如許應虎之失誤軍機。臨陣退縮。沈瑞龍之私回任所。託病偷安。胡璘。劉鍾之恇怯退避。離汎失守。又如張通。

楊文富之棄地不守。阻回援師。皆法之斷不容貸。而情之毫無可原者。即其中有先經緩決之犯。皆令改擬予勾正法。以為炯戒。凡在披堅執銳之徒。當思臨陣爭先。赴蹈危險。死於鋒鏑。或所不免。而國家加恩贈卹。廕及子孫。如有退縮偷安。挫衄失事。縱一時苟免。終於身伏斧鑕。等死耳。死敵者榮。死法者辱。雖至愚亦當審擇而知所處矣。若專事姑息。積玩成疲。於軍務大有關係。訥親張廣泗慶復之敗。於貽誤未必非向來失律倖免。人心無所震悚。有以啟之也。今於勾到後。特頒此諭。詳悉開導。令武臣咸知僨事者必

無執罰。罹罪者斷難倖生。與其伏法於誤事之後。不如捐軀於臨事之時。大義昭然。將必致身效命。以戰則克。以守則固。不致苟且偷生。蹈於顯戮。正辟以止辟之義也。此諭著刊刻頒發。令內外武職衙門入於交盤冊內。永遠傳示。各宜懍遵。○又議准。軍前傷病亡故軍兵。不許開報原籍。惟令報明統兵大員。據實查驗。如有在原籍私行妄報者。按法嚴究。○又奏准。調撥鄰省官兵。已到軍前。悉令統兵大員節制。該官兵或有事故。應報原管督撫提鎮者。詳明統兵大員。聽候轉咨。不得私自通報。

查出即行叅處。○又奏准凡報軍機如應付官兵軍裝協解兵餉等事仍用密題得

旨亦令密行。不得發抄。○二十二年

諭軍營將軍大臣俱可陳奏事件。朕曾諭大臣有事告知將軍具奏者。因從前軍營將軍大臣各懷意見紛擾無益耳。若大臣領兵勦賊離將軍甚遠何必一一報知轉奏。不獨時日稽延。而伊等奮勉與否亦無由盡知。且大臣等若謂報明將軍轉奏事體即可完結。尤為陋習。著諭領隊大臣若與將軍相近仍照前旨其分隊領兵與追賊遠去者。軍前事件不妨自行陳

奏。○三十九年奏准軍營來往文移札稟。凡有關軍需糧餉調遣兵馬及升調叅革官員等項情事。嗣後應令各處發遞時。俱用釘封鈐蓋印記。以昭慎重。如有將公文私自拆閱者。一經查出。究明治罪。該管各官分別議處。能自行查出報明究治者。所有本員應得處分。准予免議。○四十二年

諭。隨征兵丁潛逃。軍律不可不嚴。嗣後如遇軍營有逃兵之事。著統兵大員。每月彙奏一次。以便嚴迅緝究。用昭炯戒。著為令。○四十三年

諭朕恭閱

太宗文皇帝實錄天聰四年二月

上諭羣臣曰。昨攻取永平城。大臣阿山。葉臣與猛士二十四人。冒火奮力登城。乃我國第一等驍勇人也。其二十四人蒙

上天眷佑。幸俱無恙。次日召伊等進見。朕心愴然。幾不能忍。此等猛士與巴圖魯薩木哈圖及他處先登驍勇出衆之人。前已有旨。後遇攻城。勿令再登。及攻昌黎縣。薩木哈圖又復與焉。以後此等捐軀建功之人。勿得再令攻城。但當令在諸貝勒固山額真左右。遇

衆對敵之時。與之同進。若彼欲自攻城。亦當止之。即或廝卒中有一二次。率先登城立功者。亦不可再令攻城。以示朕愛惜材勇之意。仰見我

祖宗開創艱難。於戰勝攻取時。

仁恩恤下。無微不至。是以人思感勵。敵愾效忠。所向克捷。開疆立業。肇造鴻圖。貽謀垂裕之道。實在於是。朕臨御以來。平定準部回部。及蕩平兩金川。我旗營勁旅中。鼓勇先登攻壘拔柵者。固不乏人。即綠營中亦間有出衆奮勉者。一經將軍等具奏。即賞以巴圖魯名號。用示獎勵。而伊等倍加感奮。凡遇攻奪碉寨。仍

復超衆爭先以圖報效其間屢建功績者固多而因冒險傷殞者亦復不少朕每為矜憫盡然於懷茲細繹

祖訓驍勇立功之人毋令再登益敬服

大聖人之用心非孫臣所能見及也今武功告歲函夏謐甯繼此不願復有用兵之事但兵可百年不用不可一日不備而

聖訓昭垂法良意美亦不可一日或忘用是敬錄

聖訓明白宣示我君臣當共恪守以垂久遠且使我世子孫懋繼

前規勉思善述以鞏億萬載丕丕基其欽承毋忽。四

十九年

諭前因甘省勦捕逆回時綠營官兵於馬家堡打仗因軍裝火器被雨潮溼俟烘烤完妥再為前進並有懦怯退縮者當經降旨通飭該督撫務宜隨時加意整頓今逆回之事雖完但思整肅營伍固在督撫提鎮之實心督飭而平時操演講習更在將弁之面為指導兵丁之明曉軍律國家累洽重熙承平無事兵可百年不用不可一日無備與其臨時詰誡不若先事講求著軍機大臣會同該部將行軍紀律擇其緊要

數條。務須簡切明當。使兵丁人人知曉。盡成勁旅。以示朕整飭戎行之至意。欽此。遵。

旨擬定行軍紀律十條。一曰兵丁隨征勦賊。俱應奮勇直前。其見賊退走者。不過各惜身命。心懷畏怯。試思臨陣退走。律應斬首示衆。若能殺賊立功。必蒙升賞。即或陣亡。

國家自有卹典。子孫俱得邀恩。兵丁等與其臨陣畏蕙難逃。

國法。何如爭先殺賊。奮不顧身。况勇往向前。未必即死。一經退後。斷不得生。此理甚明。該管將備

等平時將此諄切誥誡務令兵丁等咸知大義。臨陣時自必勇氣百倍。可期殺賊立功。二曰鳥槍弓箭。最為行軍利器。若兵丁等臨陣時尚未見賊。遠將槍箭施放。及至交戰。火藥箭枝俱已用完。無以禦敵。即同束手待斃。關係甚重。凡領兵將備。平日務須時加講習。令兵丁於臨陣遇賊。槍箭可及之處。不先不後。一齊施放。庶槍箭隨聲應手。皆獲實用。三曰行軍攜帶軍裝火藥。俱應在帳房收存。毋令潮溼。即或途中遇雨。亦須嚴密遮護。庶遇賊緩急可用。凡帶兵將備等。

須嚴加曉諭。勿致潮溼。或需烘烤。以致臨時貽誤。至弓箭槍刀等項。平時尤須修整堅利。不得廢弛。四曰臨陣對敵。僕遇將領受傷。隨從兵丁。更當奮勇直前。竭力救護。若兵不顧將。各惜身命。觀望退阻。最為惡習。亟應申明軍紀。俾衆知悉。凡有將領受傷。兵丁不即時救護。竟至潰散。脫逃者。立即查明按名處斬。其能奮勇保護者。立即議功優賞。以示鼓勵。該管將備等。平日尤當愛恤士卒。臨時賞罰公平。庶兵將同心合力。所向無敵。五曰兵丁對敵乘勝追趕。刻不容遲。

若兵丁等有貪搶賊人遺棄財物。以致賊衆逃
遁。貽誤不小。該將備等於領兵臨陣時。務須通
行曉諭。違者立即依律治罪。庶兵丁等各知儆
畏。六曰營卡最關緊要。凡領兵將備等。務須嚴
飭坐卡兵丁輪班防守。留心偵探。毋得怠惰偷
安。即探察有事。祇須選派明幹一二人密行飛
稟。餘仍嚴整坐守。毋許輕動。無事時不許高聲
叫喊。致亂營規。違者俱照軍法處治。七曰兵丁
遇有調撥。自當恪守軍令。即時遵行。如敢騷擾
地方。欺壓良民。致有蹂躪田禾。搶掠財物等事。

即應按律從重治罪。該管將備等平日加意教誡。臨時尤當嚴行約束。無許違犯。八曰兵丁奮勇殺賊。應予獎賞。但恐兵丁等希圖冒功。任意蒙混。不可不豫為防範。凡軍法將他人戰功冒為己功。及詭稱實在效力。將無作有。以輕報重者。斬。該管將備等應隨時曉諭。親自稽查。俾立功者得賞。冒功者治罪。以期覈實。九曰行軍馬駝最宜愛惜。凡兵丁等牧放。須揀擇水草。吊膝須按照時候。遇有疲乏。加意調養。夜間尤宜小心看守。遇有遺失。須立時尋獲。至所挖井泉。不

許穢汙飲馬各挨次序毋許爭先以致壅塞。如有違犯立即重懲不貸。十日紮營後巡邏防守毋得疏懈。夜間不許無故行走。帳房內更要小心火燭。遇有警報靜聽將令。不得輕舉妄動。若奉有密令須各自遵守。毋得私相漏洩。該領兵將備等尤宜申明號令。隨時曉諭。不得疏懈。

五十二年

諭昨據柴大紀奏將劉欽等三名正法示衆。又有強取民物之兵丁陳恩成審明正法。衣物給還原主。所辦俱屬公當。嚴明已將該鎮交部議敘矣。武職大員如

或心存私見所屬弁兵有需索不遂及挾嫌專戮情事不但當革職治罪即予以抵償亦所應得若行軍之際紀律貴在嚴明緣營惡習最為可惡平時則強取民物臨陣則恇怯退回此而不誅其何以昭軍令而肅戎行柴大紀深明紀律將臨陣退縮之弁兵立正典刑並將私取民家衣服之兵丁亦按軍法從事是以將弁兵丁共知儆懼用命爭先得以屢次克捷而郝壯猷駐守鳳山不惟不能如柴大紀之策勵士卒抵禦賊匪且畏怯倖生從而逃回是以身伏刑誅朕於軍務從來信賞必罰其奮勇出力者必從優甄

錄而畏惠退縮者亦必重治示懲國家累洽重熙兵
可百年不用不可一日無備前於甘肅勦捕逆回歲
事後曾命軍機大臣會同該部將行軍紀律擇其緊
要數條頒發各營操演講習乃尚有郝壯猷等畏惠
偷生者著將崇大紀用法嚴明得邀獎敘郝壯猷怯
懦逃回按律正法之處補行載入通行曉諭各營伍
俾專聞大員曉然於敵愾大義共矢蓋忱而將備兵
下人人有勇知方恪遵軍紀盡成勁旅以副朕整飭
戎行諄切誥誡之至意欽此遵

旨議定補入行軍紀律曰用命者賞不用命者戮而臨

陣之時。賞罰尤貴嚴明。若有兵丁。惟怯畏賊。退縮者。領兵大員。立時誅戮數人。其餘弁兵。知所畏憚。不惟不敢退縮。轉可奮勇爭先。即如臺灣。賊匪攻犯諸羅時。柴大紀將退回之外。委及搶取民人衣物之兵丁。俱在軍前。正法示衆。遂得屢次克捷。特邀

恩旨獎敘。而原任總兵郝壯猷。於賊匪攻犯鳳山時。既不能策勵士卒。奮勇殺賊。且敢畏怯倖生。委城逃避。以致身罹重辟。可見用法者。得以轉怯為勇。不用法者。反致戮及其身。凡屬專閫大員。平

時各宜講明軍紀。臨時實力奉行。而將備兵丁。
亦當時相儆惕。共知利害。可期有勇知方。仰邀
甄拔。